

Eich cynrychioli chi:

Sir Gaerfyrddin



Senedd Cymru yw'r corff sy'n cael ei ethol yn ddemocrataidd i gynrychioli buddiannau Cymru a'i phobl.

Mae'r Senedd, fel y'i gelwir, yn deddfu ar gyfer Cymru, yn cytuno ar drethi yng Nghymru, ac yn dwyn Llywodraeth Cymru i gyfrif.

Eich cynrychioli chi

Mae gan Gymru ei senedd ei hun – sef Senedd Cymru.

Mae Senedd Cymru yn pasio deddfau am bob math o bethau sy'n effeithio ar eich bywyd bob dydd yng Nghymru.

Pethau fel ysbytai a meddygon teulu, ysgolion ac addysg, ffyrdd a rheilffyrdd, ffermio, diwylliant, yr amgylchedd a'r iaith Gymraeg.

Mae gan y Senedd 96 o Aelodau a etholwyd o bob cwr o Gymru. Maen nhw'n eich cynrychioli chi a'ch cymuned yn Senedd Cymru.

© Hawlfraint Comisiwn Senedd Cymru 2026

Ceir atgynhyrchu testun y ddogfen hon am ddim mewn unrhyw fformat neu gyfrwng cyn belled ag y caiff ei atgynhyrchu'n gywir ac na chaiff ei ddefnyddio mewn cyd-destun camarweiniol na difriol. Rhaid cydnabod mai Comisiwn Senedd Cymru Cymru sy'n berchen ar hawlfraint y deunydd a rhaid nodi teitl y ddogfen.

Eich cynrychioli chi a'ch cymuned

Mae'r Aelodau o'r Senedd yn dod o bob rhan o Gymru i'ch cynrychioli chi a'ch cymuned yn y Senedd.

Mae gan Aelodau o'r Senedd swyddfeydd ledled Cymru, yn y cymunedau y maen nhw'n eu cynrychioli.

Maen nhw'n cynnal sesiynau galw heibio, o'r enw cymorthfeydd, sy'n gyfle i chi gwrdd â nhw a thrafod materion lleol a allai fod yn bwysig i chi. Gallwch hefyd gysylltu â nhw ar-lein neu dros y ffôn.

Ar ôl clywed gennych chi, gallai eich Aelod dynnu sylw at eich pryder yn y Senedd. Gallan nhw ofyn cwestiwn neu drefnu dadl yn y Cyfarfod Llawn – ein fforwm agored i holl Aelodau o'r Senedd gyfarfod a thrafod materion mewn cyfarfod cyhoeddus.



Gallwch gael rhagor o wybodaeth am bwy sy'n eich cynrychioli chi, a chael gwybod sut i gysylltu â nhw, drwy fynd i senedd.cymru/aelodau

Cynrychioli eich buddiannau chi

Mae Aelodau o'r Senedd yn trafod, yn gwirio ac yn gwneud deddfau sy'n llywio bywyd yng Nghymru.

Gall y Senedd wneud cyfreithiau ar gyfer Cymru mewn llawer o feysydd. Mae cyfreithiau Cymru yn ystyried y sefyllfa yng Nghymru, a all fod yn wahanol i rannau eraill o'r DU.

Ond, mae rhai meysydd yn berthnasol i bob rhan o'r DU ac y mae Senedd y DU a Llywodraeth y DU yn parhau i fod yn gyfrifol amdany nhw.



Cewch wybod mwy am beth sydd wedi'i ddatganoli i Gymru a beth sydd wedi'i gadw gan Senedd y DU a Llywodraeth y DU drwy fynd i senedd.cymru/pwerau

Gall Cymru wneud ei chyfreithiau a'i pholisïau ei hun ynghylch:



Amaethyddiaeth a Bwyd



Addysg



Cymunedau a Tai



Gwasanaethau Iechyd a Gofal



Y Gymraeg



Yr Amgylchedd

Mae Llywodraeth y DU a Senedd y DU yn gwneud deddfau a pholisïau ynghylch:



Trafnidiaeth yn yr awyr



Ynni niwclear



Y gofod



Materion tramor



Amddiffyn



Plismona

► Deddf Cymru 2017

Newidiodd Deddf Cymru 2017 y ffordd y mae datganoli'n gweithio yng Nghymru.

Cyn hynny, dim ond yn yr 21 o feysydd a nodwyd yn Neddf Llywodraeth Cymru 2006 yr oeddem ni'n gallu deddfu.

Eich Senedd, yn gweithio i chi

O drafod deddfau ym Mae Caerdydd i gefnogi pobl yn eu milltir sgwâr, mae Aelodau o'r Senedd yn chwarae rhan hanfodol wrth lywio bywyd yng Nghymru.

Mae gan bawb yng Nghymru chwe Aelod o'r Senedd i'w cynrychioli. Maen nhw'n cynrychioli eich ardal chi – yn trafod eich pryderon ac yn gweithio ar faterion sy'n bwysig i chi.

Gallwch gysylltu ag unrhyw un ohonyn nhw – wyneb yn wyneb, ar-lein, neu dros y ffôn – dim ots dros bwy y gwnaethoch chi bleidleisio. Mae'r chwech yn eich cynrychioli chi'n gyfartal.



**Dewch o hyd i'r Aelod o'r Senedd
sy'n eich cynrychioli chi**
[senedd.cymru/
dod-o-hyd-i-aelod-o-r-senedd/
sir-gaerfyrddin](https://senedd.cymru/dod-o-hyd-i-aelod-o-r-senedd/sir-gaerfyrddin)

Sir Gaerfyrddin



Mae chwe Aelod o'r Senedd yn cynrychioli cymunedau yn eich ardal chi, yn codi eich pryderon ac yn gweithio ar faterion sy'n bwysig i chi.

Gallwch gysylltu ag unrhyw un ohonynt, dim ots dros bwy y gwnaethoch chi bleidleisio.

Six Members of the Senedd represent communities in your area, raising your concerns and working on issues that matter to you.

You can contact any of them, no matter who you voted for.



Gareth Beer

Reform UK
Reform UK



Cefin Campbell

Plaid Cymru
The Party of Wales



Carmelo Colasanto

Reform UK
Reform UK



Sarah Edwards

Reform UK
Reform UK



Nerys Evans

Plaid Cymru
The Party of Wales



Adam Price

Plaid Cymru
The Party of Wales

